



老前人心性嘉語

- ◎日新又新之功，須屏私慾而存天理，常守恭儉而去驕奢，常公而不私，常正而無邪，今日如是，明日又如是，以至無日而不如是，則修德必日新又日新矣。
- ◎才敏過人、博辯過人，未足貴也，君子之所貴者，遷善懼其不及，改惡恐其有餘也。
- ◎耳中常聞逆耳之言，心中常有拂心之事，才是進德修業的砥石，若言言悅耳，事事快心，便把此心埋於鴆毒中矣。